

## OKVIRNI SPORAZUM

između:

Agencija za rad i zapošljavanje Bosne i Hercegovine sa sjedištem u Sarajevu, ul. Đoke Mažalica br. 3. koju zastupa direktor mr. Muamer Bandić (u daljnjem tekstu: Kupac), identifikacijski broj: 4200161160001, i

Energopetrol dd Sarajevo, sa sjedištem u Sarajevu, ul. Azize Šaćirbegović 4b, koje zastupa direktor, Ante Aralica (u daljnjem tekstu: Prodavac), ID broj: 4200163020002, PDV broj: 200163020002- transakcijski račun: 3389002208033902, Unicredit bank.

### Član 1.

#### (Predmet okvirnog sporazuma)

- (1) Predmet ovog okvirnog sporazuma je nabavka i isporuka goriva (motorni benzin bezolovni i dizel gorivo EUODIZEL EN-590 EURO-5) za potrebe Kupca, prema specifikaciji iz člana 6.1 i Anexa 2 tenderske dokumentacije.
- (2) Kupac i Prodavac su saglasni, da okvirni sporazum realizuju prema definisanim uslovima u tenderskoj dokumentaciji br. 04-16-7-9-2/21 od 01.02.2021. godine, i, kao i prema sadržaju ponude broj: EPO.61-3-167/21 od 12.02.2021. godine sa kojom je Prodavac učestvovao u provedenom postupku konkurentskog zahtjeva za dostavljanje ponuda.

### Član 2.

#### (Cijena)

- (1) Okvirni sporazum se zaključuje u iznosu do **12.556,00 KM** (slovima: dvanaesthiljadapetstopedesetšestKM) bez uključenog PDV-a, odnosno **14.690,52 KM** (slovima: četrnaesthiljadašestodevedeset KM i 52/100) sa uključenim PDV-om.
- (2) Isporuka goriva iz člana 1. ovog sporazuma će se plaćati prema utvrđenim pojedinačnim jediničnim cijenama iz Ponude Prodavca broj: EPO.61-3-167/21 od 12.02.2021. godine, koja je nepromijenjena i nakon e- aukcije, a koja se neće mijenjati tokom sporazumnog perioda osim u slučaju iz člana (3) ovog okvirnog sporazuma.
- (3) Ukupna plaćanja bez poreza na dodatnu vrijednost, na osnovu svih pojedinačnih isporuka goriva po zahtjevima Kupca na osnovu ovog okvirnog sporazuma ne smiju prelaziti procjenjenu vrijednost nabavke iz stava (1) ovog člana.

### Član 3.

#### (Promjenjivost cijene)

- (1) Prodavac se obavezuje na nepromjenjivost cijena tokom cijelog ugovorenog perioda, osim u slučaju promjene cijena na svjetskom tržištu ili promjena vezanih za zakonske propise, o kojima je nepohodno obavijestiti Kupca. Promjenjivost cijena mora biti zasnovana na referentnim parametrima ili javno dostupnim podacima.
- (2) Kupac i prodavac su saglasni da usklađivanje ugovorene cijene, sa promjenama cijena na svjetskom tržištu, izvrše kursom USD prema KM. Za paritet KM prema USD mjerodavna je kursna lista Centralne banke BiH.

#### **Član 4.**

##### **(Način plaćanja)**

Plaćanje goriva iz člana 1. ovog okvirnog sporazuma Kupac će izvršiti u roku od 30 dana od dana prijema računa ispostavljenog na mjesečnoj bazi od strane Prodavca na osnovu otpremnih dokumenata sa priložima (računi s potpisom vozača, elektronski pregled točenja goriva, specifikacija količine i vrste goriva), na transakcijski račun Prodavca, Unicredit banka, tr.č.3385502203296597.

#### **Član 5.**

##### **(Rok isporuke)**

Isporuka goriva iz člana 1. ovog okvirnog sporazuma će se vršiti sukcesivno i kontinuirano u toku trajanja okvirnog sporazuma po pojedinačnim zahtjevima Kupca.

#### **Član 6.**

##### **(Način isporuke)**

(1) Obaveza Prodavca je da gorivo iz člana 1. ovog okvirnog sporazuma isporuči u Sarajevu na destinacijama nevedenim u ponudi br. EPO.6.1-3-167/21 od 12.02.2021. godine.

(2) Cijena isporuke goriva na navedenim destinacijama je sadržana u cijeni navedenoj u članu 2. ovog okvirnog sporazuma.

(3) Isporuka i prijem goriva iz člana 1. ovog Sporazuma vršit će se u skladu sa internim procedurama korištenja službenih motornih vozila Kupca.

(4) Kod isporuke goriva Kupac će vršiti kvalitativno i kvantitativno preuzimanje i kontrolu goriva, te zadržati pravo, u slučaju neispunjavanja traženih kriterija, odustati ovog okvirnog sporazuma.

#### **Član 7.**

##### **(Viša sila)**

(1) Kupac i Prodavac se neće smatrati odgovornima za kašnjenje u ispunjenju obaveza prema ovom okvirnom sporazumu, neposredno ili posredno, ako je zakašnjenje usljedilo usljed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog okvirnog sporazuma na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom sporazumu.

(3) U što skorijem roku, nakon djelovanja *više sile*, a ne duže od dva dana, Prodavac detaljno obavještava Kupca pismenim putem o djelovanju *više sile*. U slučaju da se utvrdi da Prodavac nije u mogućnosti da ispuni obaveze prema ovom okvirnom sporazumu, Kupac ima i može koristiti, pravo na raskid ovog sporazuma o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

#### **Član 8.**

##### **(Garancija)**

Prodavac garantuje da će isporuka goriva iz člana 1. ovog sporazuma biti propisanog kvaliteta koji je određen prema važećim standardima i certifikatima (uvjerenje o kvalitetu) i obavezuje se da će svaka dva mjeseca dostavljati Kupcu odgovarajuće certifikate o kvalitetu goriva koje izdaje nadležna institucija.

## Član 9.

### (Specifikacija goriva)

Sastavni dio ovog okvirnog sporazuma je specifikacija goriva sa količinama, jediničnim cijenama i ukupnim cijenama po pojedinim stavkama koju je Prodavac priložio u svojoj ponudi, sa kojom je učestvovao u postupku konkurentskog zahtjeva za dostavljanje ponuda.

Količine u specifikaciji su okvirne količine isporuke goriva, s obzirom da se tačna količina nabavke goriva za period trajanja okvirnog sporazuma ne može unaprijed odrediti.

## Član 10.

### (Period trajanja sporazuma)

(1) Ovaj Okvirni sporazum se zaključuje na period od 12 mjeseci od momenta njegovog potpisivanja od strane ovlaštenih osoba sporazumnih strana, odnosno na vremenski period do iznosa procjenjene vrijednosti okvirnog sporazuma utvrđenoj u členu 2. stav (1) ovog okvirnog sporazuma.

(2) Kupac će umjesto zaključenja pojedinačnog ugovora Prodavcu dostavljati narudžbenicu / elektronsku karticu.

(3) Ukoliko se jedna od ugovornih strana ne bude pridržavala odredaba ovog sporazuma, okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog okvirnog sporazuma.

(4) Otkazni rok po ovom sporazumu je 15 dana, a sporazumne strane ovog sporazuma se obavještavaju pismenim putem.

## Član 11.

### (Zaštita prava)

(1) U slučaju spora po odredbama ovog okvirnog sporazuma, sporazumne strane će ga nastojati riješiti mirnim putem, u protivnom nadležan je Sud Bosne i Hercegovine.

(2) Na sva prava i obaveze sporazumnih strana koja nisu regulisana ovim okvirnim sporazumom, primjenit će se odredbe Zakona o obligacionim odnosima.

## Član 12.

### (Stupanje na snagu)

Ovaj okvirni sporazum stupa na snagu danom potpisivanja od strane ovlaštenih osoba sporazumnih strana.

## Član 13.

### (Broj primjeraka okvirnog sporazuma)

Ovaj okvirni sporazum sačinjen je u četiri istovjetna primjeraka, od kojih svaka sporazumna strana zadržava po dva primjerka.

Prodavac

Energopetrol dd Sarajevo

Direktor

Ante Aralica

ENERGOPETROL  
DIONIČKO DRUŠTVO  
SARAJEVO

Božo Božić  
EPD-17-152121

08-04-2021

Kupac

Agencija za rad i zapošljavanje BiH

Direktor

mr. Muamer Bandić

Broj: 04-16-7-9-16/21

Datum: 23.03.2021.